

مجله دانش

سری ۱۳۳۰

والله يهدي من يشاء الى صراط مستقيم
دینی، علمی، ادبی، سیاسی هفته‌لق بمجوعه اسلامیة در
اتبعون اهدکم سبیل الرشاد

صاحب و مدیر مسئول : ع . اشرف ادیب

عدد ۳۴ - ۲۱۶ ۱۴ ذی القعدة ۱۳۳۰ پنجشنبه ۱۱ اشرین اول ۱۳۲۸ جلد ۲ - ۹

پیغمبر ذیشانمژک (الجنة تحت ظلال السیوف) تبشیری درخاطر
ایده رک میدان جهاده قوشیکز!

محترم مجاهدلر، بیلکیزکه جنته، دیدارخدایه آنجق قیلچلریکیزک
کولکه سی آلتدن یول بوله بیلجکسکیز!

روی ارضده مؤمنلر، بالای سهاده ملنکار موفقیاتیکیزی آلقشلامغه
مهیا بولونیورلر! بونی دوشونه رک وطنک حدودلرینه، ثغور اسلامیه نک
محافظه سینه قوشیکز!

ای قهرمانلر هایدی حدوده! آرش ایلری! صوک قراریکیز
یا غازی، یا شهید! یا اولوم، یا وطن! اولسون!

«زینت خاک شهادت اولسون برتیغزن»

«شان عثمانی دلخواه اوزره اعلا یتهدن»

[ان الذین آمنوا وهاجروا وجاهدوا فی سبیل الله باموالهم وانفسهم
اعظم درجه عندالله واولئک هم الفائزون. یشهرهم ربهم برحمة منه
ورضوان وجات لهم فیها نعيم مقيم خالدين فیها ابدآ ان الله عنده
اجر عظیم.]
۳ تشرین اول ۱۳۲۸ مدالی: م. شمس الدین

ناموس غوغایی

تاریخمز، دقت ایله تدقیق ایدیلمیسه کوریلیرکه بوملت، ملت
عثمانیه تا بدایت تشککدن شوکونه کلنجیه قدر دائماً غوائل کونا کونه
معروض قالدی. فقط هپسندده او یله شاهانه مظفریاته، او یله شانلی
فتوحاته نائل اولدی؛ دشمنلری او یله برهزیمت کامله یه، او یله بر
رجعت قهقریه یه کرفتار ایتدی که عثمانلیق، عالمده، جساترجه،
شجاعته یه بالا اولدی، مستتا اولدی. دکل یالکز دشمنلرمز، حتی
بتون عالم دیدی که:

«عثمانلیرده بوقوت اسلامیه وار اولدجه اونلر دوریلز برقلعه
آهیندرلر، اونلرله حرب ایتک، - کندی تعبیرلرنجه - قره
حاولامقدن باشقه نتیجه ویره مز.»

هلاک صلیبه غالیته ییلدیرن بواعتراف مع التأسف عدولرمزی،
دائرة سکونه ارجاع ایدمدی. بلکه آنلرک قلبنده عثمانلیغه، بالخاصه
هلاله قارشى او یله کین، او یله غرض او یاندیردی که تسکین حرص
ایچون دائماً فرصته منتظر اولدیلر.

نه وقت که برکشمکش داخلی یه معروض قالدق، دها طوغریسی
نفاق ایله شقاق ایله خارجه قارشى ایفاسنه مجبور اولدیغمز وظیفه لرمرزی
اونوتدق؛ آن انتقامک ورودینه حکم ایدن دشمنلرمز بو سوکیلی
ومعزز وطنمزی چیکنه مکه، انصافسزجه سینه پارچالامغه قالدیشدیلر.
عثمانلیر ایسه مقدس طانیدقلری، دمه لرینک قانلر، جانلر
صاحه رق فتح ایلدیکی وطنلری اریله قولای، قولای دشمن الله
تسلیم ایتک قحبه لکنی ارتکاب ایدمزلردی. ایتدیلر؛ هم بالعکس

وطنلری، معظم ناموسلری محافظه ایچون حدوده، حربیه، او میدان
کاروزاره شتاب ایدیورلر.

قانلریله، جانلریله، ناموسلری، ناموس ملیلری، شرفلری،
شرف عسکریلری، سزک کی سفیل دشمنلرک رزیل تعرضلرندن
قورتاره جقلر! . . .

عثمانلیر قورقونه در بیلملر، حقه حرمت ایدرلر. فقط حقسزافه
اصلا، ثبوت، اصلا تحمل ایدمزلر. یاشارلرسه شانلریله، شرفلریله
یاشارلر. عکسی تقدیرده اونلرک نظرنده یرک آلتیده اوستی ده بردر.
ذلتله یاشامغه شهامتله اولمکی بیک قات ترجیح ایدرلر.

عثمان اوغوللری ظلمه نفرت ایدرلر. فقط ظالملری نهمکده
وجدانی بر حظ طویارلر. صلحه مفتوندرلر، آسایشه پرستش ایدرلر.
فقط سوکیلی وطنلری بومبالرله، چته لرله بر خرابه زار خونینه
چویرمک ایسته یلرله، ناموسلری قدر معزز، دینلری قدر مقدس
اولان وطنلرینه، بومحبوبه وجدانلرینه یان کوزله باقمق ایستین
سفیلرله باران بلا کی کله یاغدیرمقدن چکینمزلر.

بابالرینک یوردینی، آنالرینک یووانسی چیکنه مک هوسنه قاپیلا.
نلرک آیاقلری قیرمقدن احتراز ایتزلر.

حربی صاح ایچون، وطنلری تجاوز اعدادن قوربارمق ایچون
تقدیس ایدرلر. عثمانلیرک عزت نفسلری؛ شرف عسکریلری، شهامت
قومیه زی قدر عالیدر. بونی رنجیده ایتک جساترنده بولنانلرک وای
حاله!

سطوت عثمانیه ییلدیرملری دشمنلری هر حالده قهر ایدر
و ایده جکدر.

**

عثمانی قهرمانلری! ییلدیرمک، مراد اولک، شانلی سلیمک
محترم اولادلری! حاضر اولکز! بویوک پادشاهمز سزی وطنک
محافظه سینه دعوت ایدیور. خلیفه رسول الله بلاد اسلامیانک تجاوز
اعدادن قورتارلمسینی سزک حماستکردن، سزک جهاندلری تیره تن
شجاعتکردن بکله یور.

روح اقدس محمدی بالای سمدن، قرب ملاء اعلادن سزه (انا
فتحنا لک فتحاً مبیناً) مزده نصرتی تکرار تبلیغ ایدیور. ارواح
شهادت عرش معظم اطرافه طویلانش، سزک شهامت هزبرانه کزی
آلقشلامغه حاضر لایور. اجدادکیزک روحلری مزارلری باشنه
اوشوشمش، مقابر موحدینک دشمن آیاقلریله چیکنمه سینه میدان
ویرمه مسنی سزدن نیاز ایدیورلر. اسلامیت؛ مقدسات دینه نک،
معابدعالیه نک حمایه سنی سزک حماستکردن بکله یور. کعبه اللهک، مرقد
پرنور پیغمبرینک، مسجد اقصی نک محافظه قدسیتلری سزک کسکین
قیلچلریکیزه، متین بازولریکیزه مودوعدر.

آرش، ای محتشم عثمانی دلورلری! آرش ایلری! فوزوفلاح،
نصرت وموفقیت سزکدر. (نصر من الله وفتح قریب)



نشیده حماسه

قالک ای اهل وطن بذل سروجان ایدهلم ،
دشمن روسیهی خاک ایله یکسان ایدهلم ،
اوجلادت نه ایمش عالمه اعلان ایدهلم ،
خون جوملزی عنصر جوشان ایدهلم ،
رایت شامزلی شهر پران ایدهلم .

§

آتالم تفرقه یی کتله یی جان اولالم ،
وطنک دردی بیوکدر اوکا درمان اولالم ،
همیز سیل خروشان کبی پویان اولالم ،
دشمنک ساحه آمالنه طوفان اولالم ،
شهیدا معشرینک روحنه قربان اولالم .

§

اوحیت دنیلن جوهرمن براکلیل ،
بوده عثمانلیرک شانتی تیجیله دلیل .
یوکسلن غلغل تکبیرلر ، آواز رحیل
صدر اسلامده کی فیضی ایدرلر تمثیل ؛
یکیزبان آیت فتحی ایدهلم هپ ترتیل .

§

چهره لر قلب ایله همحال برر کاشف راز ،
جهت جامعه وحدتی ایلر ابراز .
دیده لر شمدی سخساز سرائر پر راز ..
یوکسلن غلغله روحلر آواز نیاز ؛
ایدیور عرش الهی به دعا لر پرواز .

§

چیکنیوب ریک بیابان کبی دشمنلری هپ
نه ایمش کوسترهلم ، اکلاتهلم انلره حرب ؛
حربدر شان حماسیمزی اعلایه سبب ،
قیلمه دشمنلره یارب بزی اهداف لهب
وطنه کوز دیکنک کوزلری چیقسون یارب ! .

§

برق خاطف کبی سرعتله کچن عمره نجات
ویره من خوف وحذر امر مقدرسه ممت .
عو ایله اکلاشیلیر کاه حیاتی اثبات ! .
عزت نفس ایله قائم شرف حسیات ،
باشامقدنسه ذیلانه اولوم عین حیات .

§

مرد میدان شهامتده کی قاندر یاشاتان
قوجه برملتی هر قطره سی بر روح روان .
جبهه مجد وشرف الهه کی سیف بران ،
صیت ولوالزه معرکه لر سور جهان ؛
دوکولن خون شهادتده فروزان ایمان .

علی صلاح الدین



اولیه قهرمانانه مدافعه ایتدیلر که اونفاق وشقاق آواننده بیله وطنلرینه
قارشی ، متصف اولدقلری مزیتلری کوستردیلر .

بوکون ایجه دقت ایدرسهک ، ینه عینی دشمنلر حیاتی ققصیر
وموجودیتیزی تهدید ایتک ایتدیورلر . قلبی حمیت وطنیه ایله صیرلایان
هیچ برعثمانلینک قبول ایده میسه جکی تکلیفلرده بولنه رق حیثیتیزی
چیکنیور ویزی دائمی برذلت آلتنده یشامغه دعوت ایدیورلر .

یکرمنجی عصرده مدنیتدن دم اورورکن ، اوراده قادینلرمیزی ،
قرده شلرمیزی بوغیورلر ، اولدیریورلر . قرون وسطی ده اسلامیه
قارشی میدان آلان کین شیمدی ینه عینیه کنیدیسنی کوستریور ،
دها نه وقته قدر هلال آوروپا طوپراغنده ، عالم مدنیت ساحه سنده
تموج ایده جک ؟ ، دیه بربرلری تشویق ایدیورلر بر هلال و صلیب
محاربه سی چیقارمق ایتدیورلر .

عثمانلیر شیمدی به قدر ، چالیشمق لازم کان بو عصر مدنیتده
صالح وسکونه نه درجه طرفدر اولدقلری اقوالیه ، افعالییه بالذفات
اثبات ایتدیلر .

فقط ناموسلرینک ، موجودیت ملیه لرینک محافظه سی ضمانتده
عدولرینه نصل قارشی قویه جقلری ده کوستردیلر .

اساساً باشقه درلو حرکت ایده مزلردی . شیمدی به قدر تکرر
ایدن بونوع ازعاجلردن آرتق بیقمش اوصامش ایدیلر . دها دون
برولایتلری تشکیل ایدن بوشماریقلرک ، صوک برضربه ایله
موجودیتلرینه ختام ویرمک ایچون ، ایتدکلری صبر حد لایقی بولمش
وچشمش ایدی .

بوندن بویه عثمانلیق ذات ایله دکل ، شان ایله شرف ایله یشایه جق
و حقوقی پایمال ایتدیرمیه جکدر .

هلال ینه آورپاده ، حتی آوروپانک کوبکنده تموج ایده ، ایده
بزدن بو مظفریتلری بکلیه من جناب حقه شکرانه لر یوللایه جقدر .
اوت اولوای مقدس آلتنه طویلامان اهل توحید اللهک اسم جلال
وعظمتی ظلمت شرک ایله قاراران بالقانلردن سمالره یوکساته جک ،
بتون او ظلام آلود اووه لری ، وادیلری نور توحیده غرق ایله جکدر .
ایشته بزم ایچون ظفر ، شان بودر . بونکله نه درجه سونیر ، کوسمیزی
قبادیرسوق ، یکرمنجی عصر مدنیتده چالیشمق ایچون لازم ولان
صالح وسکونی اخلاص ایدنلره وایتدیرنلرده اودرجه نفرتلر یاغدیورلر .
عثمانلیق عالمی بوکون ، تمامیه صالح وسلم دائره سنده ترقی ایتک
ایسته یور . فقط افسوس که ، بزم قانمزه صوصامش اولان عدولرمز ،
کوزمیزی آجدرمق ایسته میورلر .

آکلایهلم و بیلهلم که بو عدولر ، بردکل ، ایکی دکل ، بتون عالمدر .
احفادمزه بوتربیه یی ویرم و آنلره دیهلم که :

« اولادلرمز ، شو کوردیککنز شعشعه مدنیت سزک کوزلرکیزی
قاشدیرمسون . اونک آلتنده هپ کین ، هپ غرض ، هپ لوٹ ،
هپ ریا کیزلیدر . سن بونلری بیل وبونلره رغماً بوماتی سو ، بو
دینی سه ، بومقدس ومعزز مملکتی سو » .
قاضی پاشا زاده

سزائی